

白 懶 髓
江 行 雜 錄
遺 史 記 聞

袖 中 錦
搜 採 異 聞 錄



遺
史
記
聞

詹
玠
撰

中
華
書
局

遺史記聞

此據龍威秘書本
排印初編各叢書
僅有此本

遺史記聞

宋 詹玠

衣錦將軍

錢鏐臨安人。里中有大木，鏐幼時常戲其下。後爲吳越國王，宴父老，山林皆覆錦，名其木衣錦將軍。

金蓮燭

宣宗將命令狐綯爲相，前數日夜召，更深方歸院，以御前金蓮燭賜以送歸院，吏望見燭，以爲駕幸，已而綯至，時以爲榮。

手印屏風

明皇所幸美人王氏，數人招飲密會，具言於上，上曰：「必術士所爲。」汝若再往，以物誌之。其夕夢中又往，因就研中濡手，印於屏風上，既悟卽告，潛索於外，果於東明觀中得其手印紋，而道士已遁矣。

如意女子詩

如意中有女子七歲能詩，則天召見試之，令賦送別兄弟云：「別路雲初起，離亭葉乍飛。」所嗟人異雁，不作一行歸。

抱琴踰垣

真宗祀汾陰，登山望林麓，中有亭檻，問曰：「何所？」乃隱士魏埜草堂。遣使往召之，野方鼓琴教鶴舞，聞使至。

抱琴踰垣遁去。使聞上甚嘆美之。

釜中龍

南唐時有蒼頭持龍水圖求貨。或得之。將練以服。忽釜中雲蒸起。見二龍騰躍穿壁而去。

清非生

太子中允王綸有女十八。一日晝寢。若魘。有物憑附而語。稱清非生。呼其女爲燕華君。能三十六體天篆。又能詩。後數月如故。皆不能記矣。